

福建通志

第捌拾伍冊
儒行傳

福建儒行傳卷四

明

福州府懷安縣

鄭守道字用行嘉靖戊子舉人於書無所不窺篤於躬行嘗至白鹿洞敦事著圖說講義諸書深思精詣能開周程之祕官東昌府夏津知縣扶弱抑強風節矯矯復建書院與諸生講晰一時文學之士奉爲老師遷徽州府通判

興化府莆田縣

林大猷字子道天順己卯舉人除新建教諭遷國子監學錄關洛晉魯之士執經受業者齋舍至不能容大猷使更番聽講祭酒耿裕重之進監丞講學益勤諸生貧者授以衣病者給以藥久而弗繼則疏告於好義者佐焉考滿遷翰林檢討仍守監丞又三年卒於官諸生哭失聲

陳茂烈字時周先世居瑞安曾祖洪以軍功注興化衛總旗遂爲莆田人

茂烈髫年喪父繼領戎役晝入公署夜歸讀書年十八祖母歿售所居屋並得葬父負土成墳間日行視哭盡哀乃返第宏治丙辰進士使廣東受業陳獻章之門尋授吉安推官吉安俗健訟一詞所逮多至百十人乃下令曰有干則至無則免不濫刑不久繫至誠懇惻人不忍欺或時散遣則如時至民歌曰要無冤對陳言有戴佩者迫於債以田數畝託寺僧使養母誰人一馬逸去債主馬主告分其田茂烈判曰戴佩有存田養母之心必無竄身棄母之事且其母年高不可奪其所養民感服之有夫制於悍妻嫁其家安既主了歸承其業族人爭之茂烈驗其姊貌與子類爭者媿服吏部第治行爲理官第一入爲監察御史務持風紀崔志端起道士爲禮部官及列再疏論劾不報尋以母老乞終養疏曰臣生十年父不幸早喪母張氏無任劬勞孤苦成立臣前爲吉安推官臣母年雖高猶能就養繼蒙行取來京母年愈老病不禁跋涉臨別丁寧悲切臣待罪將二年顧以非才無補風紀又蒙賜勅命舉家被寵揣分奚堪固宜捐軀於萬一也

奈慈闈衰邁夕照如飛母今年七十有七矣君恩猶可以再酬母年不可以多得況臣又無男嗣又無兄弟一母一子天各一涯竊思疾病獨自呻吟藥餌孰與調節臣既思母則報主之心亂母復思臣則保身之心微臣心可憫臣母心猶可慮也伏望皇上憐臣母子孤苦容臣終養使得慰倚閭之望少伸寸草之忱帝憫其情特許之既歸所居無廳事田歲入甚薄供母甘旨外自興家累兵蔬食蓄一蒼頭採薪給爨治畦汲水身自操作太守聞其勞遣二卒閱三日還之吏部援侍郎潘禮事例月給米以資養贍臣無辭言陛下隆孝理之化長清白之風下逮微臣亦荷收卹豈獨臣一家之幸哉第念臣素貧食本儉薄故臣母自安於臣之養而臣亦得以自適其貧非有及人之廉盡已之孝也臣母鞠臣艱苦今年八十有六水日無多臣欲日盡心力尚恐不及上煩官帑心竊未安奏上帝不允茂德以母年九十而已未有嗣息日夜爲憂方抱疾而母卒號哭寢地疾轉重亦卒林俊爲治殮具立族子遠揚爲嗣茂烈既卒巡按御史王應鵬奏

言茂烈廉約如石守道而所養獨純孝行如徐仲車而所處尤困清修苦節貧且無後請加卹典以勵士民詔表其它里曰孝廉卹其家茂烈同年進士爲南北御史者六十七人自劉瑾專柄非依附卽一再仆以終養不起而卒累承恩典者茂烈一人而已陳獻章曰韓退之稱孟郊無田而衣食事親左右無違混混與世相濁獨其心追古人而從之茂烈有焉林俊曰茂烈領悟既深充養益熟隱衷粹行質天地對鬼神鄉國敬服殆黃憲管寧之流也茂烈爲諸生時林俊嘗語人曰與時周語沈疴頓去其見重如此天啓閒追謚恭清

劉閔字子賢生而純慤早孤母朱每訓之曰自吾爲而家婦聞爾祖以孝謹稱於鄉祖母李嘗刲股以療親疾爾父言之必流涕爾曹庸無效之乎閔感奮絕意科舉求聖賢視躬訓家之法率而行之祖母及父喪未舉斷酒肉遠室家朔望號泣殯所如是三年鄰族憐之爲助其葬婦失愛於母出之獨居奉養疾不解衣母或恚怒則整衣竟夕跪榻前祭饗奠獻一循

古禮嘗謂朱子小學要在敬身張橫渠教人必以禮爲學基本在是檢束
尤慎繩行矩矱造次不苟見者莫不欽重侍郎鄭紀在告延閔入山中考
論禮典歲致穀四十斛助孝養不受知府王弼每祭廟社必延致齋居曰
此人在座私意自消副使羅璟立社學構養親堂延閔爲師弼爲置田二
十餘畝贍養母母歿卽送還官居母喪哀毀如禮廬墓疏食終三年第婦
求分產閔闔戶自掘婦感悟乃已宏治中僉都御史林俊上言伏見皇太
子年踰幼學習處宮中罕接外傳預教之道似爲未備以臣所知自朝臣
外其德行可取者二人一則致仕副使曹時中一則布衣劉閔是也閔臣
縣人恭慎醇粹孝行自高如禮致時中爲宮僚閔以布衣入侍必能涵育
薰陶裨益膚質時不能用其後巡按御史宗彝饒塘欲援詔例舉閔經明
行修閔力辭知府陳效請遂其志榮以學職正德元年遙授儒學訓導閔
爲學不言而躬行嘗作玉靜箴以自省鄭岳謂閔之約身苦行敦尚倫紀
雖張湛之矜嚴好禮江革之貧窮養母元魯山之不近女色不能過之也

林學道字致之少從蔡清游復入江西從王守仁訂良知之說嘉靖閒以貢爲都昌訓導改定陶陞無爲州學正以疾乞致仕三邑俱祀之學宮學道體不勝衣言不出口而向道甚勇辨義利守禮法甚嚴家居正容危坐非寢不脫巾履爲諸生時嘗遊學吳中有薦於某僉事者抵門聞其居愛宴會遂去之徐階謫延平時願見之竟不往及官都昌曾階督學江西喜曰吾今得見林致之矣爲題其像曰顏勤閔孝柴愚參魯若在聖門依稀參伍官無爲州時適馬森爲太平知府學道及門士也致書森曰各守職業爲吾道重無煩使者往來其遠嫌厲操如此學者私謚貞修先生

劉堯章字陶九諸生少穎異爲文沈思入微幾廢寢食明李闔亂挈家隱寒山專意正學理數象緯靡不推究常曰涵養工夫全在應事接物上檢律一身不敢自肆意念稍有所縱卽正色危坐終日會山寇發欲屠兩岩民堯章挺身理諭皆賴以全活眾德之歸田以謝堅拒不受鄭成功聞其名修書幣往見力卻之居家孝友兄有子五入堯章有子二人及析產分

爲七以五與兄而自取其二嘗讀春秋傳注頗疑其鑿後得湛若水正傳曰此可以知聖人之心矣將商訂成書未就而卒

泉州府晉江縣

楊曜宗字世顯號思復齋洪武丁卯明經薦授晉江縣訓導陞嘉魚教諭陳情養母仍改晉江母歿服闋擢韓府紀善遷左右長史輔獻恭二王以禮成祖登極恭王方幼冲召入試奏對有倫帝喜曰王之進學長史得人也特加獎賚洪熙初復從王之國翊導匡沃踰三十年以禮見重年七十餘乞致仕王出餞於郊以詩送之累數十章有幾回闕下承恩日都是邸中課業時之句家居條然和易屢以忠君孝親爲鄉後輩言之或叩以學問必傾竭中底學者稱思復先生子興興字士載博通經籍與徵士陳璘溫良朱鐸蔡翼何祐輩爲友不求聞達門徒數百人多有學成不應舉者知府蔡錫雅重之訪以民情輿上十事大見嘉賞因與通判朱旭以明春秋薦正統初授惠安教諭改廊府伴讀及景帝卽位潛邸舊臣咸顯

刑趙傳行傳

用而輿出爲處州知事值山賊猖獗輿選卒積饟連破沐溪芳九賤巢事
聞勅獎景泰三年考績召見文華殿問民間苦樂對曰無苦民則民不苦
帝嘉之特擢戶部郎中六年考最陞南京戶部侍郎天順改元更調景泰
諸臣輿出爲永州知府時久旱以風輿詣神自責風息雨作百姓歌之廣
西苗滋蔓輿設策備禦賊不敢入未幾總兵李震率兵十餘萬往征駐兵
永州城中瘟疫大作輿詣諸病所親爲診視令以桃茆逐災氛疫漸息郡
有帝舜冢爲補植木修周子祠請復其家擇裔孫二人養於學資給之凡
孝子順孫義夫節婦恒召見賞勞其敗彝亂俗者大爲懲創七年入覲引
老乞歸燕賜甚腆詔有司以禮相待未幾卒永州民間之哭踊如喪所生
祀名宦子勸字德溶少有異質成化戊子舉人授寧波訓導遷南京國子
學錄卒朝命以勸祖孫父子皆文章顯著賜奎章二字爲建坊裔孫萬廉
字有孚少孤事母至孝母盲舐而愈之萬歷丁酉舉鄉試爲溧陽教諭遷
國子監學正擢知霸州性廉介州多中貴人來致禮於州官萬廉一無所

加禮左遷韶州通判郡有浚光厥權及太平橋隄司缺額稅百金萬廉曰
必欲苛征以足額使商民交困非余能也遂告歸設教里中學者稱振奎
先生林欽棟欲楫王際達林有科張朝綱唐朝詰馬用錫李賓李之佳王
萬金吳淳夫皆其門人獨謂淳夫心術不端後雖貴顯必被禍其言卒驗
趙瑤字德用生九歲而孤依姊夫劉主簿於粵刻勵爲學尙志節不妄交
粵有富人慕之介劉以求通瑤不應曰不義而厚藏行將及矣無何富人
果敗成化乙酉鄉試第一丙戌成進士授刑部主事見舒芬卽許魁天下
十一年爲會試同考官見謝遷文題其卷云他日名宰輔也其精鑑如此
歷廣東按察司僉事領提學道訪陳獻章往來辨難不爲苟同獻章論學
謂禮文雖當講求然非所急瑤貽書曰浙人正以胡餘干不教人習四禮
爲疑何又開斯路也尋卒於官瑤造詣淵邃重名教尙氣節羅倫謫官泉
州就瑤講學豆肉孟養終日乃去及倫卒獻章始交瑤語之曰一峯死僕
哭之慟以爲今後無復有如其人者不謂於執事見也

蔡祐字體順三歲而孤母梁氏艱節撫之數歲哀不見其父揜泣發憤稍長記誦甚敏所居一齋兀坐竟日庭中草長數尺或招之他往輒卻之聞田昂以蔡清之易講授往從受學既盡得田氏學閒以新得與疑義走問清清曰我學蓋如是遂傳清易學轉以語人弟子百數十輩以興起斯道爲已任嘗曰聖人可學而至在學者勉之遂自號勉齋講肄朱子家禮以家貧於堂寢器服物品不能如制而意常師之叔氏不善爲生議斥居宅賣之泣諫不可乃從之價盡歸叔氏而奉母獨居一室備極窮阨叔氏秬其賣宅金徒手來歸祐以所處室處之宏治辛酉舉於鄉授廣州府新寧教諭明倫堂圯有司不能葺卽於官廨之右創講堂每日衣冠與諸生端坐隨材高下示以進修多所造就嘗署縣事檢校簿牘所當上聞下施者條其可否所宜以授羣胥使治文書且請且行吏目動相懼不敢爲奸在新寧未嘗取邑中一物會母病思筭有持餽者受之邑人以爲特事尋丁母憂哀毀逾禮諸以貨賄爲賻悉弗納扶喪歸值道梗前後行者俱陷賊

中賊獨知其賢孝相戒勿犯新寧人祀之名宦服除補寧海有友人典銓部欲以無錫令授祐以書來問意所欲祐不報旣而遷湖州教授諸生爭畫像乞留衣帶尋致仕家居春秋高日雞鳴必興危坐堂中請子升揖考問所業加以訓戒子克廉有傳

王宣字子鍾受業蔡清之門宏治甲子舉於鄉一赴會試不第以親老不再赴精研前聖之遺洞貫百家旨意嘗曰學者混朱陸爲一便非真知蘇子瞻之文精神氣骨剛而無餒其極詆新法爲小人所惡瀕死不悔合於孟子善養浩然之氣朱子以蘇張擬之未爲確論羅倫謫泉州故有一峯書院知府延宣主講其中會孝宗令兩京五品以上文臣薦舉人材同都大理寺丞林希元言宣剛穎之資超邁之志學多自得行不苟同才堪用世而恥爲塵容孝篤養親而甘於恬退後學仰其楷模鄉里高其行義乞卽行取用竟未召

項忠字原孝以貢生授武城教諭正德庚午舉於鄉爲人樸而不華靜而

寡言闡揚易學爲時彥所宗分校順天鄉試所得多知名士

易時中字嘉會生而醇靜不與凡兒狎稍長彌究經訓潛心先儒之業蔡清以儒學倡尤精於易一日時中不介而謁清清詰以語時中酬對有條理清語門人曰晚得此士吾易不孤矣呼爲小友年四十舉嘉靖壬午鄉試除池州府東流教諭邑介江陞守陋鮮文時中隨材導接爲諸生開釋甚至邑人御史宋邦輔以強直廢清介絕俗與時中游甚密去東流日邦輔贈之文條其美十二曰明道衛復古禮育英才敦風化擇師範優儒紳揚節孝禮耆年篤孝思協寅侶勸廉靜廣慈惠論者謂無媿詞遷夏津知縣歲旱蝗大起時中出舍素食白衣菅屨徒步請禱於神從者不堪瘁苦時中羸然病體獨勝之天遂雨蝗息夏津苦役重每括民屋居桑柘牛馬以定戶上下時中惻然曰役非吾所得遽蠲惟毋使司役籍者妄上下之庶以均爲寬耳籍出民無愬者受田稅使民自執量權主受者莫能爲弊邑訟故寡時中曰吾爲之民將多訟人怪其言每訟至者已隸屏立廊下

扑偃於庭民不怵威情實且疎即還既職應職都弛其重者轍遺而已
以故民欲有言者爭來上官多移獄夏津比罪必報情法不視上官所意
向或被譙讓恬不爲改卒如初議上武城大水奉檄往視具以實上監司
憐以災聞駁其議時中仍前議益以危苦詞卒得奏賤竊在夏津四年撫
按交章論薦吏部覈其廉良召試臺諫時中以年自實不就稍遷順天府
推官都御史胡守中不法下獄時中被旨推勘窮其奸贖以此失要人意
遂以終養乞歸道出夏津老穉爭獻果脯去數舍迎舟曳挽將別有哭失
聲者家繪像祀之刑部郎林瓊以宋仙居令陳襄爲比至家築室奉母母
年九十一而終時中七十矣毀不勝喪而卒時中形癯神清謙抑恂恂若
可玩易非禮義所可則不以徇人官夏津時巡撫入朝郡縣厚有賂獻時
中入謁持所刻蔡虛齋太極圖解數冊而已其學專一家不務泛濫師蔡
清而其徒則王慎中

蔡元偉字伯瞻宋蔡襄之裔總角時已有孝弟稱爲諸生見程端禮家塾

日程皆宗朱子教人之法歎曰學當如是卽手抄服行慨然有求道之志
嘉靖辛卯舉鄉試需次入京同邑周天佐以疏救楊爵瘐死獄中人莫敢
視元偉哭臨之且作文以祭授黃州府羅田教諭其教士卽舉業中默誘
以聖賢之學擢知德安縣一以節愛爲本每退食取小學近思錄伊洛淵
源錄及薛胡粹言揭觀成誦卽升堂又袖以出曰誠慮心官少放行事過
差以此當嚴師良友也遷杭州府通判時倭寇方熾元偉乘城開門縱避
寇數千人城賴以全趙文華視師至嘉興檄元偉督軍餉人或勸之求通
元偉曰死生榮辱命也吾肯以貨免乎卒不往入覲乞終養吏部尙書李
默知其賢命考功留之擢撫同知巡按檄督樂安漕糧樂安素頑元偉寬
其鞭笞輸納轉勸無何樂安有劫庫之變再被委往忽流賊數千焚掠南
豐等鄉邑樂安故無城元偉召鄉民精銳者設險扼隘賊不敢近縣獄久
壞風雨莫蔽時蒸癘疫元偉欲作新獄居之縱囚歸命獄成至囚並如期
尋丁父憂喪畢以泉州倭棘募考亭遺跡遂移建寧元偉學尙程朱而重

躬行其所致力惟在飲食衣服男女起居動靜語默辭受取予之際作
應自識平生名考德錄而自序之曰松莊子少不自揣非聖賢書不觀非
孝弟志不存非天地古今之運化英雄豪傑之作用無以入吾思也氣拘
物蔽輟策不前悠悠作輟出入是懼於是是有是書之作吾之考德有二一
則時常省克而時識之以自稽其理欲分數之多少一則隨其學之有得
心之有開即便劄記以驗器識之高下淺深以爲進德之助不有得於今
必有得於古不有合於人必有合於天則所謂不知不愠之地或可萬一
焉其云松莊者先世名是者在宋時家郡城外十里許繞宅皆松王十朋
守泉州時題爲萬松莊元偉取以自號也同縣王國輔字忠甫受易於元
偉又與何炯爲友研究精深動履繩尺元偉以女妻之元偉無子將歿作
訣書割田遺國輔國輔不受

沈大易字希周少舍舉業篤志正學稍長卽洞悉心體大原已與王畿鄒
守益羅洪先諸人會闡王守仁之旨錢德洪薛侃稱爲吾黨上乘晚造湛

若水留學五年年逾八十猶孜孜不倦所著諸書大都以良知爲宗而其
闡發但務收斂精神立必爲聖賢之志令學者有階可循楊道會稱其可
藩籬餘姚會合考亭也

沈亨字體敬嘉靖中貢生潛心正學闇嘿修持其於義利公私之際甚嚴
謹常云心術上要致其光明氣質上要矯其邪偏一切墜情溺志攻慝責
善不遺餘力時方尙講學亨曰學在躬行何以講爲授新會訓導作庠諷
以訓士作劬勞歌以勸孝又作卦畫圖以發先賢之蘊士遵尙之遷宜山
教諭未幾致仕卒祀新會名宦

蔡黃卷字于省初名黃圀生時胎衣色黃故父以命之後學使爲改曰黃
卷嘉靖中以貢生授睢州訓導督學署優劣二籍別諸生黃卷持不舉曰
所名劣士非劣也貧也某不願吾黨有此名轉汝陽教諭累遷唐王教授
以歸在汝陽識孔惟德於諸生中後惟德來守泉黃卷家居不往賀也惟
德每以朔望省候或時請曰吾師蓋有以示之蓋望其爲邑子請者黃卷